

1. UVOD

Ekonomija Bosne i Hercegovine nalazi se u izuzetno teškom stanju. Nelikvidnost u privredi predstavlja rak-ranu koja prijete kolapsom. Svako duguje svakome, jer firme redovne platiše bez obrtnih sredstava u vidu kredita i same postaju dužnici, čime se stvara lančana reakcija. Pri blokiranju računa zbog neplaćanja obavezan prioritet imaju banke i poreske uprave, a tek zatim privrednici.

Na lošu situaciju u BiH ponajviše su uticaji visoki troškovi neefikasnih vlasti, loši zakoni i raširena korupcija. Odgovornost za ove probleme ne snosi samo globalna recesija nego i nadležne institucije vlasti koje su svojim greškama i inertnošću kreirale vrlo nepovoljno poslovno okruženje i onemogućile domaćim proizvođačima ravnopravan položaj na domaćem i stranom tržištu. Nizak nivo proizvodnje, posebno one izvožno konkurentne i loša struktura BiH izvoza koju karakteriše izvoz sirovina i poluproizvoda, a manje gotovih, finalnih proizvoda predstavljaju ključne problem.

Nije moguće riješiti nikakvim palijativnim mjerama problem preteranog uvoza i sa tim u vezi ogromnog trgovinskog deficita. Sistemski i sveobuhvatan pristup zahtijeva rješavanje, odnosno njegovo ublažavanje. Potrebno je prije svega nastaviti sa konzistentnim vršenjem privrednih i političkih reformi i usklađivanjem propisa sa propisima Evropske unije, te stalno jačati institucionalni okvir BiH kako bi se uklonile prepreke koje stoje na njenom putu ka evropskim integracijama, odnosno kako bi se obezbijedio i omogućio lakši pristup tržištu Evropske unije uz primjenu donesenih zakona i podzakonskih akata.